

Broj: 01-04-13-03125/2024

Datum: 06.08.2024.godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA- SEKRETAR
n/p –mr.sci. Izmir Hadžiavić
veza vaš akt br. 05/02-260,279/24 od 21.05.2024.godine
i akt br. 05/2-02-342/24 od 13.06.2024.godine

n/p – delegat Azhar Sejarić

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BiH
GENERALNI SEKRETARIJAT VLADE
n/p- generalna sekretarka mr.sci. Edita Kalajdžić

Bosna i Hercegovina
Federacija Bosne i Hercegovine
PARLAMENT FEDERACIJE
S A R A J E V O

Primljeno:	09-08-2024		
Org. jed.	Broj	Priloga	Vrijednos.
05/2	-02-	279 260	124

PREDMET: Odgovor na delegatsko pitanje, *dostavlja se*

Federalna uprava za inspeksijske poslove zaprimila je dana 27.05.2024. godine akt br. 05/2-02-260,279/24 od 21.05.2024.godine i akt br. 05/2-02-342/24 od 13.06.2024.godine koji je delegatsko pitanje, koje je na 8.sjednici Doma naroda Parlamenta Federacije Bosne i Hercegovine, održanoj 16.05.2024.godine, postavio uvaženi delegat Azhar Sejarić.

Pitanje je uputio Inspektoratu Republike Srpske i Federalnom vodnom inspektoratu, sa zahtjevom da mu se odgovori, da li su upoznati s problemom zagađenja i ekološkoj katastrofi na rijeci Sani, i šta su učinili da se očuva okoliš i zaštite životi i na jednoj i drugoj strani.

U obrazloženju svog pitanja, ukratko delegat je ukazao da rijeka Sana spada u jednu od naših najljepših rijeka i da, ako se nastavi ovaj tempo onečišćenja vode, vrlo brzo se može ugasiti turizam u svim općinama, i općini Ključ, i susjednim općinama Ribnik i Mrkonjić Grad.

U pripremi odgovora na ovo delegatsko pitanje, doprinos je dao Federalni vodni inspektorat, koji je u posjedu Obavještenja koje je nakon obavljenog nadzora sačinio Glavni republički vodni inspektor, Inspektorata Republike Srpske.

Iz akta Glavnog republičkog vodnog inspektora, broj:24060/9993-20-2/24 od 04.04.2024.godine, se vidi da je **izvršena vanredna inspeksijska kontrola** sa terenskim uvidom na području PK „Medna“, selo Medna, u općini Mrkonjić Grad, od strane republičkog vodnog inspektora Republike Srpske. Na osnovu konstatovanih činjenica sa terenskog uvida, izvršeno je uzorkovanje voda rijeke Sane na ušću Medljanske rijeke u selu Bubljeni, općina Ribnik, od strane ovlaštene vodoprivredne laboratorije.

Iz akta se može utvrditi, da prema dobijenim rezultatima obavljenih analiza, jedino vrijednosti suspendovanih materija i prisustvo aluminija u vodi rijeke Sane **ne odgovaraju prvoj klasi kvaliteta voda vodotoka prema važećoj Uredbi**. Ovakvi rezultati ukazuju da je zagađenje voda potoka Grabovac i Medljanske rijeke **posljedica povećane mutnoće njihovih voda** i da **nema značajnijeg zamućenja** potoka Grabovac i njegovog prirodnog recipijenta Medljanske rijeke.

U odnosu na navedeno, investitoru (subjektu nadzora „Medna-HV“ inspeksijskim rješenjem je naloženo da, u okviru primjenjene tehnologije eksploatacije mrkog uglja na PK **preduzme sve neophodne aktivnosti kako bi se eliminisala pojava zamućenja potoka** Grabovac i njegovog prirodnog recipijenta Medljanske rijeke. Na kraju, u cilju prevazilaženja nastale situacije i rješavanja pokrenutog inspeksijskog postupka, republički vodni inspektor se obratio Javnoj ustanovi „Vode Srpske“ Bijeljina sa zahtjevom za izmjenu vodne dozvole izdate za predmetni površinski kop.

U Federaciji BiH se vrši kontinuirani monitoring površinskih voda od strane laboratorije Agencije za vodno podrčje rijeke Save u Sarajevu. Zbog obima posla kod ostalih vodotoka, monitoring za 2024.g. za rijeku Sanu nije rađen. Plan je da se izvrši monitoring u ovoj godini. Federalna vodna inspekcija će nastojati da sugeriše Agenciji da se izvrši uzorkovanje čim se stvore uslovi za monitoring. U Federaciji BiH nema registrovanih kupališta na rijekama.

Sanitarnu ispravnost površinskih vodotoka rade Zavodi za javno zdravstvo, a nadzor nadležna sanitarna inspekcija.

S poštovanjem,



DIREKTORICA
Ivana Prvulović
Ivana Prvulović

Dostavljeno:

1 x Sekretar-mr.sci. Izmir Hadžiavdić

1 x delegat - Azhar Sejarić

1 x generalna sekretarka Vlade FBiH- mr.sci. Edita Kalajdžić

1 x a/a